



SEKTOR ZA CARINE
SEKTOR ZA POREZE

Broj: 03/2- 07-4-1178-4 /20
Banja Luka, 13.05 2020. godine

REGIONALNI CENTRI

ODSJEK ZA CARINSKE POSLOVE

**Predmet: Povrat indirektnih poreza za robu doniranu u vrijeme epidemije
prouzrokovane korona virusom (COVID-19), obavijest, dostavlja se**

Kao što vam je i poznato, članom 2. stav (5) Odluke o oslobađanju od obračuna i plaćanja indirektnih poreza i povratu već plaćenih indirektnih poreza na opremu i sredstva donirana od strane domaćih i međunarodnih subjekata za potrebe prevencije, suzbijanja i otklanjanja epidemije prouzrokovane korona virusom (COVID-19) ("Službeni glasnik BiH", broj 20/20, u daljem tekstu: Odluka) propisano je, citiramo:

"(5) Isporuke dobara iz uvoza (donacija) izvršene na način i pod uslovima iz stava (1) i (2) ovog člana oslobađaju se od plaćanja uvoznih dažbina i drugih indirektnih poreza, odnosno eventualno plaćene uvozne dažbine (carina, PDV i drugi indirektni porezi) na ova dobra podliježu pravu na povrat."

Obzirom da se Upravi za indirektno oporezivanje obraćaju pravna lica i drugi subjekti iz BiH u pogledu pitanja o povratu carine i drugih indirektnih poreza plaćenih prilikom uvoza na robu koja se poslije uvoza donira u skladu sa Odlukom, to vam radi, ispravnog postupanja pri rješavanju takvih zahtjeva u redovnom upravnom postupku (ako ih imate ili budete imali zaprimljenih zahtjeva) ukazujemo na sljedeće:

1. Roba obuhvaćena Odlukom a koja se uvozi može, po zahtjevu primaoca donacije, u momentu njenog puštanja u slobodan promet (dalje: konačnog carinjenja), biti oslobođena od plaćanja carine i drugih indirektnih poreza kojima podliježe pri uvozu, pod uslovom da je u tom momentu na snazi Odluka i da su ispunjeni uslovi za navedeno oslobađanje koji su propisani Odlukom.
2. Ako su na robu obuhvaćenu Odlukom indirektni porezi plaćeni prilikom njenog konačnog carinjenja, pa nakon tog uvoza tu robu neposredno donira lice za čiji račun je ista uvezena (primalac iz polja 8 carinske prijave), pod uslovom da je u vrijeme te donacije na snazi Odluka i da su u pogledu te donacije ispunjeni uslovi propisani Odlukom, tada indirektni porezi plaćeni na tu robu prilikom njenog konačnog carinjenja podliježu pravu na povratu shodno članu 2. stav (5) Odluke, a na pisani zahtjev lica za čiji račun je ista uvezena (koje lice je donator nakon uvoza).

Zahtjev za povrat plaćenih indirektnih poreza shodno članu 2. stav (5) Odluke podnosi se Odsjeku za carinske poslove onog Regionalnog centra kojem organizaciono pripada carinska ispostava kod koje je proveden postupak konačnog carinjenja robe koja je u pitanju, o kojem zahtjevu se odlučuje u redovnom upravnom postupku. Uz zahtjev moraju biti priloženi dokazi o ispunjavanju uslova za traženi povrat plaćenih indirektnih poreza prema navedenoj odredbi (npr. kopija carinske prijave o konačnom carinjenju robe koja je u pitanju i dokaz o plaćanju indirektnih poreza za predmetnu robu, izjava o donaciji i izjava o primanju donacije iz kojih moraju biti vidljivi i podaci o robi koja je bila predmet donacije i drugo prema potrebi).

U dispozitivu rješenja kojim se, po navedenom zahtjevu a uz ispunjenost propisanih uslova, odobrava povrat plaćenih indirektnih poreza u skladu sa članom 2. stav (5) Odluke (u punom iznosu ili djelimično, zavisno da li je donirana sva ili dio robe iz predmetne carinske prijave koja je u pitanju), mora biti navedeno i to da je poreski obveznik dužan, u poreskom periodu kada je ovo rješenje postalo izvršno, izvršiti umanj enje/izmjenu podataka koji se odnose na uvoz dobara za koja je ovim rješenjem odobren povrat. Izmjena iznosa se shodno momentu izvršnosti vrši u redovnoj, odnosno izmijenjenoj prijavi, i to umanj enjem pripadajućih iznosa u polju 22 i 42 PDV prijave a u skladu sa odredbama člana 17. stav 1. tačka 6. i članu 20. stav 13. i 14. Zakona o porezu na dodatu vrijednost.

Jedan primjerak tog upravnog rješenja, snabdjevenog klauzulom izvršnosti, putem nadležne organizacione jedinice za prijem i dostavu pošte, donosilac istog mora dostaviti i Odsjeku za poreze u onom regionalnom centru na čijem području lice na koga se odnosi takvo rješenje ima sjedište. S toga, radi izvršenja dostave, u tom rješenju treba naznačiti da se isto, između ostalih, dostavlja i Odsjeku za poreze određenog regionalnog centra.

Odsjek za poreze nadležnog regionalnog centra, po prijemu navedenog upravnog rješenja, isto će proslijediti Grupi za kontrolu velikih poreskih obveznika ili Grupi za reviziju i kontrolu (u zavisnosti od nadležnosti za kontrolu subjekta - donatora).

3. Ako je roba obuhvaćena Odlukom, nakon njenog konačnog carinjenja uz plaćanje indirektnih poreza, prometovana drugom licu u BiH (koja radnja znači unutrašnji promet) pa to drugo lice nakon tog unutrašnjeg prometa istu donira, pod uslovom da je u vrijeme te donacije na snazi Odluka i da su u pogledu te donacije ispunjeni uslovi propisani Odlukom, tada se ne radi o isporuci dobara iz uvoza (donaciji) pa se stoga ne može primjeniti član 2. stav (5) Odluke, tj. ne može se izvršiti povrat ni carine niti drugih indirektnih poreza koji su plaćeni na tu robu prilikom njenog konačnog carinjenja.

U slučaju takve donacije radi se o isporuci dobara (donaciji) na koju se, u pogledu poreza na dodatu vrijednost, primjenjuje član 2. stav (3) Odluke i isti zahtjev se dostavlja na nadležano postupanje Sektoru za poreze uz obavještanje podnosioca zahtjeva o navedenom.

O ovom aktu dužni ste upoznati vaše organizacione jedinice, a putem njih i učesnike u carinskom postupku.

Dostaviti:

1. Naslovu
2. Kabinetu direktora
3. Sektorima i Odjeljenjima UIO
4. a/a

**POMOĆNIK DIREKTORA ZA
SEKTOR ZA POREZE**

MUHAREM MAŠINOVIĆ



**POMOĆNIK DIREKTORA ZA
SEKTOR ZA CARINE**

VLADIMIR DRAGIČEVIĆ